

CERTAME ESCOLAR DE ILUSTRACIÓN



ilustrar **nós.**

+info: cultura.deputacionlugo.gal

BASES

CERTAME ESCOLAR DE ILUSTRACIÓN **ilustrarNÓS**

Cada 30 de xaneiro, desde 2014, celebramos o Día da Ilustración como xeito de impulsar esta arte, popularizar a obra de diferentes profesionais e animar á creación artística como punto de partida para novos valores da ilustración galega.

Esta efeméride coincide co aniversario do nacemento de Castelao. O que outrora fora membro do Seminario de Estudos Galegos e do grupo Nós, creativo e divulgador a través de múltiples formas de expresión, deixou a súa pegada plasmada en numerosas ilustracións, caricaturas e escritos que o converten na cabeceira dunha grande lista de artistas que a nosa ilustración foi dando ao longo do tempo e que este 2021 lembra a figura de Lolita Díaz Baliño, pioneira artista multidisciplinar que desafiou as convencións sociais da súa época e colaborou con diversas publicacións gráficas amosando un estilo *art déco* sobrio e elegante.

Co obxectivo de promover entre o alumnado dos centros educativos da provincia a creatividade artística e plástica e achegarlle o gusto pola arte de ilustrar, a Área de Cultura da Deputación de Lugo convoca o I Certame Escolar de Ilustración **ilustrarNós** con arranxo ás seguintes

BASES

1.- Participantes

Poderá participar todo o alumnado matriculado durante o curso escolar 2020/2021 nos centros educativos públicos, concertados e privados da provincia de Lugo. Os traballos serán presentados polo centro escolar ao que pertencen os e as participantes e virán acompañados do formulario de inscrición e a autorización que acompañan a estas bases. Para a correcta participación das e dos participantes menores de idade requírese a autorización dunha das persoas que ostenten a súa representación.

2.- Categorias

- 5º e 6º de Educación Primaria
- 1º e 2º de ESO
- 3º e 4º de ESO
- Bacharelato e Ciclos Formativos de Grao Medio

3.- Presentación e formato

As ilustracións realizaranse tomando como referencia unha cita de **Alfonso Daniel R. Castelao**, que será distinta segundo a categoría na que o alumno ou alumna participe, quedando as propostas do seguinte xeito:

- **Para 5º e 6º de Educación Primaria** a cita proposta é:
*“-Que comerá o rei?
-Comerá... comerá... zucre”*
- **Para 1º e 2º de ESO** a cita proposta é:
*“Vale máis unha terra con árbores nos montes
ca un Estado con ouro nos bancos”*
- **Para 3º e 4º de ESO** a cita proposta é:
“Se aínda somos galegos é por obra e gracia do idioma”
- **Para Bacharelato e Ciclos Formativos de Grao Medio** a cita proposta é:
*“O verdadeiro heroísmo consiste en trocar os anxeios en realidade,
as ideas en feitos”*

As ilustracións deberán ser orixinais e inéditas, non sendo copia doutra autoría nin remitindo a ningunha marca comercial.

As obras que se presenten non poderán ter sido premiadas noutros concursos.

Se a obra participante contén algún texto, este deberá estar escrito en lingua galega.

De acordo coa lexislación vixente en materia de igualdade entre homes e mulleres e de protección contra a violencia de xénero, non se aceptarán traballos que inclúan -tácita ou implicitamente- contidos de carácter sexista e que se poidan considerar discriminatorios, vexatorios ou que xustifiquen, banalicen ou inciten á desigualdade de xéneros ou á violencia de xénero.

Calquera traballo que supoña a discriminación por razóns de xénero, raza, relixión, nacemento, opinión ou outras circunstancias persoais ou sociais, será obxecto de eliminación do certame **IlustrarNós**.

O **formato** das ilustracións deberán cumprir os seguintes requisitos técnicos:

- Resultan válidas tódalas técnicas e estilos de ilustración.
- Os traballos poderán ser en branco e negro ou en cor.
- Tamaño A4 en orientación vertical ou horizontal.
- PDF ou JPG.



Os traballos do alumnado participante serán enviados polo centro educativo no que estea matriculado o alumno ou alumna ao seguinte enderezo electrónico:
certame.ilustrarnos@gmail.com

No correo enviado deberá figurar como asunto “**I Certame de Ilustración ilustrarNÓS**”. Este correo virá acompañado da ilustración do alumno ou alumna e do formulario de inscrición e a autorización.

4.- Prazo

Os traballos serán enviados antes das 24 horas do día **23 de abril de 2021** (Día do Libro).

5.- Premios

Establécese un premio para cada categoría consistente nunha *Tablet* con aplicación de deseño gráfico e unha colección de libros ilustrados (álbum, banda deseñada, novela gráfica, etc.), axeitados á idade do alumnado participante en cada categoría.

6.- Xurado

O xurado estará composto por persoas relacionadas co mundo da cultura, da edición, da ilustración e da docencia. O fallo do xurado será inapelable, comunicado directamente aos centros educativos no que os alumnos e alumnas gañadores estean matriculados e publicados na web da área de Cultura e Deporte da Deputación de Lugo: **cultura.deputacionlugo.gal**

7.- Valoración

Os traballos valoraranse tendo en conta os seguintes aspectos:

- Relación coa cita proposta.
- Orixinalidade e creatividade na interpretación de dita cita.
- Aportación narrativa desde a imaxe.
- Técnica e composición

8.- Condicións xerais

Os premios entregaranse no transcurso dun acto público ao que deberán asistir os alumnos e alumnas galardoados acompañados dos seus titores ou mestres, se a situación sanitaria o permite.



A participación no certame leva implícita a aceptación de todas as bases, así como da decisión e o fallo do xurado.

Os traballos gañadores quedarán en poder da Área de Cultura e poderán servir de base para campañas posteriores deste certame ou como base para a edición de materiais divulgativos da propia área, sempre sen finalidade de lucro.